



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

XIV. De occasione instituendi Episcopatus Eystettensis.

[urn:nbn:de:hbz:466:1-70477](#)

in lagenis deferrent. Similiter de oleo & pisce solebat Batavensis Ecclesia idem, dum viveret Viuulus Episcopus, fratribus Fuldensis Monasteri, singulis annis in oblationem transmittere; quo defuncto, paulatim per negligentiam & incutiam, siue per via longinquitatem, subtractum est. Frisingensis vero Ecclesia, cui praeerat Erinbertus Episcopus, quae iuxta Alpes, & montana Italia sita est, singulis annis caseos grandes, Berg Kese vocatos, Fuldensibus fratribus in oblationem transmittebat. Praterea, de singulis terrarum prouinciis, seu regionibus, singuli fideles, offerebant Deo & B. Bonifacio, prædia seu mancipia; quæ omnia descripta sunt in octo codicillis, & reposita in librario sanctæ Fuldensis Ecclesie.

CAPUT XIV.

*De occasione instituendi Episcopatus
Eystettensis.*

 Ccasio fuit liberalitas Odilonis Boiorum Duxis, & Svviggeri, seu Svviggarij Comitis Hirspengensis, de quibus Itinerarium Sanctimoniensis Heidenheimensis. Venit Willibaldus (Româ in Germaniam redux anno DCC. XX XIX) ad Ducem Odilonem, & ibi fuit unam hebdomadam, & inde venit ad Suitgarium, & ibi fuit unam hebdomadam. Et inde perrevererunt ad Linthrath, Suitgarius & S. VVillibaldus ad S. Bonifacium. Et misit illos S. Bonifacius ad Eyset, ut videret, quomodo sibi placeret. Illam regionem Eyset Suitgarius tradidit S. Bonifacio, in redemptionem animæ sua: Et S. Bonifacius tradebat nostro Episcopo S. VVillibaldo illam regionem, queadhuc tota erat vastata, ita ut nulla domus ibi esset, nisi illa Ecclesia S. Marie quæstat ibi, minor, quam alia Ecclesia, quam postea B. VVillibaldus ibi construxerat. Cumque ibi duo manc-

mancerent simul ad Eystet aliquantum temporum inducium,
S Willibaldus atque Suitgarius, alnumq; ibi habitationu
locum explorando eligerent: postea iterum pergebant ad san-
ctum Bonifacium ad Frisingam, & ibi erant cum illo, usque
dum omnes simuliterum veniebant ad Eystet. Hæc Hodœ-
poricon...

Eistadiensi Episcopatui, inquit Velserus, lib. 5. histo-
riæ Boicæ, Suigerum, Hirsbergensem Comitem, volente &
consentiente Utileone, quod Boica usque eò pertingeret, multa
liberaliter a deo contulisse ferunt, ut eius usque adhuc auctor
habeatur & conditor. De eadem refusius Philippus, cu-
iis verba habes in Commentario cap. 22. & capite se-
quenti harum Observationum repetita inuenies. Lo-
cum ergo pro Episcopatu eriendo donauerat sancto Bonifacio Svviggerus seu Svviggarius Comes ab
Hirsberg. At S. Bonifacius discipulo suo Willibaldo
eundem transcripsit, neq; enim terram illam à Svvig-
gero acceperat, ut eam sibi reseruaret, vel in profanos
usus conuerteret; sed ut inde vel ipse vel alius anima-
rum questum facheret, & ad veri Dei agnitione quam-
plurimos adduceret. Cum autem fundi & prædia Eyst-
tensis Diocesenos primitus à Comite Hirsbergico
processerint, inde factum est, ut posteri Comites eius-
dem stirpis pro aduocatis Episcopatus tene gesserint;
iusque non modò in ciuitatem Eystettensem, sed &
in alia ad Episcopatum spectantia bona sibi vendica-
rint, non sine litibus aliquando exortis, donec can-
dem deficiente illa familia, totus Comitatus Episco-
patu cessit.

Quod autem Hodœporicon ait, Svvigerum Co-
mitem & Willibaldum missos esse à S. Bonifacio ad lo-
cum, qui dicitur Eystet; & ipsum etiam S. Bonifacium.
Frisin-

Frisingâ venisse ad locum Eyster, id per anticipatiō-
nem dictum videtur; nam posteris demū annis,
succisis quercubus & elucato luco, conditisque do-
miciiliis hoc nomen natum esse, probabilius credo,
cūm ciuitatem innuat, vel potius clarè ostendat; quæ
prius vtiue non erat, quām ædificaretur.

Silentio prætereundum non est, quod Lutheranus Prædicans Cyriacus Spangenberger in historia S. Bonifacij cap. 31. nescio quo veteri auctore vel teste, scriptum reliquit his verbis. Cum S. Bonifacius per agraret Germaniam nouos q̄ Episcopos Bauaria inniseret, nec non potentiores terræ ad diuinum cultum promouendum admoneret, sapius ad Suuigerū Comitem de Hirsberg diuertit, qui pius multum q̄ Catholicæ religioni addictus erat: tempore quodam S. Willibaldum cognatum suum illi reliquit, qui sapius de rebus diuinis, modo q̄, quo haꝝ promoueri in ditione sua possent, collocuti sunt. Admiratus aliquando S. Willibaldus Hirspengensium Comitum insignia (nigrum in aureo clypeo suprā ceruleum montem erectum ceruum) comiti ea ostēdens, aperuit, quòd non gratis à Deo tantis bonis ditatus sit, terraque tam pulchra dotatus, iam q̄ ad veram cognitionem Christi venerit; atque ut niger ceruus à natura Ethnicus, supra ceruleum montem caelorū ductus, & in aureum clypeum futura beatitudinis positus sit, verā ansam ei accusam Deum dedisse promouendi Ecclesiam, regnum q̄ Christi de terrenis diuitiis. Huius verò rationē ac modum Comes cūm exquireret, S. Willibaldus respōdit, quòd ad promotionem verae religionis eius q̄ & eterna memorie, nihil melius sit, quām si in suo comitatu Ecclesiæ & monasteria adificaret, eoque S. Bonifacium moueret, ut tandem Episcopalis sedes in ipso constitueretur. Quod Comes intensius cogitans ac perpendens S. Bonifacio propositum apernit, ipsi q̄ maiorem partem Comitatus

sui ad illud exequendum obtulit: Cui S. Bonifacius assentiens, commodum locum futuro Episcopatu*m* quæsuit, & in eius ditione constituit.

Hæc Lutheranus ille Logodus: quem miror. S. Bonifacij res gestas mandare literis ausum fuisse, cum nullus in illis appareat Lutheranus vel Calvinianus Minister, sed omnia plena sint Monachis, & Monasteriis, Monialibus & Parthenonibus, quæ tam ad Lutherana & Calviniana labra faciunt, quam cardui syloestres ad os Apicianum Lutheri: nisi forte Cyriacus iste pro collegis agnoscat illos damnati hominis' Adelbertum & Clementem Scotum, & quem Balæus his adiicit, Sampsonem, itidem Scotum. Sed quovis pignore certare haud pigeat, istos ipsos fabulatores & S. Bonifacij hostes, si in Spangenbergerum eiusdemque sortis alios Spermologias Lutheranæ & Calvinianæ disseminatores incidissent, non secus ac humani generis portenta quædam detestaturos fuisse.

Verum, ut in viam redeamus, virum ante consecrationē Episcopale, an verò postea Basilica D. Virginis, Monasterium, & ipsa vrbs ædificari cœpta sint, incertū est. Verisimilius videtur, hæc omnia Willibaldo iam ad Episcopatum evecto, inchoata esse. Etsi Itinerarium posterius statim post suscep̄tū sacerdotium, Willibaldum manū operi admouisse testetur his verbis. Nec mora, Ecclesiæ fundamenta cœpit ponere, claustrum & officinas cleri signare; & qualibet diuina necessaria seruituti sagaciter disponere. Revoluto abhinc anno, Archiepiscopum in Thuringia adiens, &c. Hodœporicon prius hæc omnia suscep̄to iam Episcopatu accidisse refert: tametsi ab Hodœporico dissentiant vulgaria pro Eystrensi Ecclesia Calendaria; ybi hoc ipso anno gratia

tiæ M. D C. XVI. quo hæc scribimus, numeratur à condita vrbe Eystettensi annus D C C C. LXXVI. Quo sit, vt ille Calendarij conditor initium vrbis Eystettensis ad annum Domini D C C. X L. reiiciat. Quæ est quorundam sententia, qui putant, S. Willibaldum Sacerdotio initiatum anno DCC. XL. quinquennio pòst, Episcopatu. Et hoc quinquennio vrbem, Basilicam D. Virginis, & alia ad Episcopalem sedem necessaria, à Svigero Comite exstructa esse. A qua opinione nihil me remoratur, nisi utriusque Itinerary auctoritas, de quo iam suo loco plura.

Ne verò Ecclesia Eystettensis à S. Bonifacio fundata & dotata, in Monasterium Fuldense, S. Bonifacij titulo & tumulo nobilitatum, ingrata videretur, eidem villam quandam dono dedit, etiam S. Willibaldo adhuc superstite, de qua donatione R. P. Christophorus Broverus noster libro 3. Antiquitatum Fuldensium ex antiquis monumentis ista nobis legenda exhibuit.

VWillibaldus Eichstettensis Ecclesia Episcopus, obtulit Deo & B. Bonifacio, cuius ipse quoddam fidelis erat discipulus, fratribusq. suis Fuldensibus, in oblationem, villam unam in pago Sualefeldensi sitam, Kuchese nuncupatam, vt annuo censu, fratres, pro sui commemoratione, consolationem, & oblationem, & pitantiam haberent. Et, vt breviter multa perstringamus, quia omnium Ecclesiarum Gallie, Alemaniae, & Germaniae Apostolus & prædictor extitit S. Bonifacius, iure ab omnibus gentibus ei soluebatur census. Certè, quām in Monasterium Fuldense eximia fuerit piorum liberalitas, testatur tres Fuldensium Traditionum libri à clarissimo viro Doctore Ioanne Pistorio publicati. Quis non obstupescat, quando video maiores nostros fer-

mē propensiores fuisse ad donandum, quam hodie nos Nouatores, iuratosque Monachorum hostes ad rapiendum, tametsi profectō rapacissimi sunt, ita ut rapacitas Verris, quam tantoperē in Verrinis M. Tullius exagitare, collata cum horum vngulis & vnguis, merus ludus iocusque fuerit.

Quærat quis, virum aliqui Christianis sacris in Norico & Sualefeldico, seu Svanefeldico tractu iniciati fuerint, ante S. Willibaldi & S. Wunibaldi in eas partes aduentū? Respōdeo, fuisse; ut ex Hodœporico Willibaldino, & ex vita Wunibaldina manifestū eaudit: sed omnia erant plena vitiis, corruptelis, superstitionibus, rerumq; diuinarū ignoratione, Clerus de prauatissimus, ita ut præter nomen parū de Christianismo remaneret. Nec idololatræ penitus evanuerat, restantibus hinc inde nonnullis, qui Christo nomina sua nō tradiderant. Quos omnes Sancti nostri ad meliorem frugem, vel de integro ad Christianam disciplinam reducere viriliter studuerunt, nullis parcentes laboribus, quod Ethnica superstitione & vitiis eradicatoris, cultus veri Dei, & disciplina Christiano nomine digna introduceretur & stabiliretur..

CAP VT XV.

S. Willibaldus & successores eius sunt Suffraganei & Cancellarij sedis Moguntinae.

Videlicet tenore affectu complexus est S. Bonifacius Episcopatum Eystetensem abs se recens institutum; id cùm ex aliis, tum inde appetat, quod Episcopos Eystettenes Sedis Moguntinæ Suffraga-